



ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
№ 33 БАСПАСӨЗ РЕЛИЗИ
2006 ЖЫЛҒЫ 1 ЖЕЛТОҚСАН
Ұлттық қордың шоттарындағы
халықаралық резервтер, ақша базасы
және ақша қаражаты және екінші деңгейдегі
банктердің Ұлттық Банктегі депозиттері
бойынша сыйақы ставкасы туралы

1. Халықаралық резервтер және ақша базасы. Қазақстан Республикасы Ұлттық Банкінің халықаралық резервтері (Ұлттық Қордың ақшасын ескермей) және ақша базасы 2006 жылғы 30 қарашада мынадай болды:

	Ағымдағы бағамен	Тұрақты бағамен ¹
Таза халықаралық резервтер, млн.долл.	15 086,3	14 826,4
оның ішінде:		
ЕАВ таза активтер ²	13 763,0	13 763,0
Алтын	1 323,3	1 063,4
Ақша базасы, млрд. теңге	1 181,6	1 181,6
Аз ақша базасы ³ , млрд. теңге	1 097,7	1 097,7
ҚРҰБ-дегі ЕДБ-дің мерзімді депозиттері ⁴ , млрд. теңге	83,8	83,8
KZT/USD (кезең аяғында)	127,98	133,98
Алтынның бағасы (1 трой унциясы үшін USD-мен)	638,40	513,00

1 2005 жылдың аяғындағы теңгенің АҚШ долларына бағамы және алтынның бағасы көрсетілген.
2 ЕАВ-мен таза активтер – бұл ЕАВ-ғы жалпы активтер мен міндеттемелер арасындағы айырмашылық
3 Аз ақша базасы – ҚРҰБ-нің ЕДБ мерзімді депозиттері ескерілмеген ақша базасы
4 ЕДБ – екінші деңгейдегі банктер

2006 жылғы қарашада Ұлттық Банктің халықаралық резервтері ұлғайды.

Ұлттық Банктің таза халықаралық резервтерінің ағымдағы бағасы 6,4%-ға (немесе 903,2 млн. долл.) өсті.

Бір ай бойы Ұлттық қордың активтерін толықтыру және алтын-валюта резервтерінің шотынан Қаржы министрлігінің сыртқы борышына қызмет көрсету бойынша операциялардың жүргізілуіне, сондай-ақ екінші деңгейдегі банктердің Ұлттық Банктегі шетел валютасымен корреспонденттік шоттарындағы қалдықтардың төмендеуіне қарамастан, Ұлттық Банктің ішкі валюта нарығында валюта сатып алуы және Ұлттық Банктегі Үкіметтің шотына валютаның түсуі валюта қорларының ұлғаюына әкелді.

Осылайша, таза валюта қорлары (ЕАВ) 735,3 млн. долл. өсті, алтынмен активтер – жүргізілген операциялар және оның әлемдік нарықтардағы бағасының 6,24 % көбеюі нәтижесінде 167,9 млн. долл. көбейді.

Тұрақты бағамен Ұлттық Банктің таза халықаралық резервтері 5,8%, ЕАВ-мен таза активтер – 5,6%, алтынмен активтер – 7,8 % өсті.

Елдің халықаралық резервтері жалпы алғанда (ағымдағы бағамен) яғни, Ұлттық Қордың ақшасын (алдын-ала деректер бойынша – 13 227,8 млн. долл.) қоса алғанда 28 318,4 млн. долл. болды. Өткен айда өсуі 7,8 % болды.

2006 жылғы қарашада Ұлттық Банктің ішкі таза активтерінің төмендеуі ақша базасының 0,8%-ға (немесе 9,5 млрд. теңгеге) тарылуына себепші болды.

2. Ұлттық қордың шоттарындағы ақша қаражаты. Қазақстан Республикасы Ұлттық қорының (бұдан әрі – Қор) шоттарындағы конвертациялауға жататын ұлттық валютадағы сома 2006 жылғы 1 желтоқсанда **59,9 млрд. теңге болды.**

Қордың активтерін конвертациялау және қайта конвертациялау ережесіне сәйкес Ұлттық Банк Қордың ақшасын одан әрі инвестициялау мақсатында 2006 жылғы желтоқсан ішінде осы соманы рұқсат етілген құралдарға конвертациялауды жүзеге асырады. Конвертация Ұлттық Банктің шетел валютасындағы алтын-валюта активтерінен немесе шетел валютасындағы қаржы құралдарынан Ұлттық Банктің операция жүргізілген немесе операция жүргізу сәтінде қалыптасқан бағам бойынша ішкі валюта нарығында теңгемен шетел валютасын сатып алу күнгі ресми бағамы бойынша сату арқылы жүзеге асырылады.

Бұл ретте Қорға теңгемен түскен түсімдер Қордың кепілдік берілген трансферттің бекітілген көлеміне сәйкес ағымдағы айдың соңында немесе келесі айдың басында жүзеге асырылатын кепілдік берілген трансферттер түріндегі шығыстары үшін жеткілікті соманы жинақтағанға дейін бір айдың ішінде конвертацияланбайды.

3. Екінші деңгейдегі банктердің Ұлттық Банктегі депозиттері бойынша сыйақы ставкасы. 2006 жылғы 1 желтоқсаннан бастап Ұлттық Банк екінші деңгейдегі банктердің Ұлттық Банктегі депозиттері бойынша сыйақы ставкасын жылдық 4,25%-дан жылдық 4,5%-ға дейін көтерді. Осы деңгей Ұлттық Банктің ресми қайта қаржыландыру ставкасының жартысын құрайды.